

ODLUKA

**O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I
HERCEGOVINE I EVROPSKE INVESTICIJSKE BANKE ZA REALIZACIJU
PROJEKTA GRADSKI PRIJEVOZ U SARAJEVU - B**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je, na sjednici Predstavničkog doma održanoj 22.04.2024.godine i na sjednici Doma naroda održanoj 12.06.2024.godine, d o n i o

ODLUKU

O PRIHVATANJU ZADUŽENJA PO UGOVORU O FINANSIRANJU IZMEĐU BOSNE I HERCEGOVINE I EVROPSKE INVESTICIJSKE BANKE ZA REALIZACIJU PROJEKTA GRADSKI PRIJEVOZ U SARAJEVU – B

I.

Prihvata se zaduženje Federacije Bosne i Hercegovine (u daljem tekstu: Federacija BiH) po Ugovoru o finansiranju između Evropske investicijske banke (u daljem tekstu: Banka) i Bosne i Hercegovine (u daljem tekstu: BiH) za realizaciju Projekta Gradski prijevoz u Sarajevu – B (u daljem tekstu: Projekat) u iznosu do 35.000.000,00 eura.

II.

Sredstva zajma iz tačke I. ove Odluke koristit će se za finansiranje četiri komponente iz oblasti gradskog saobraćaja, i to:

- Sanacija, rekonstrukcija i modernizacija tramvajske pruge;
- Obnova voznog parka tramvajskog saobraćaja;
- Izgradnja gradske saobraćajnice i Transverzala dionica II (Bare-tunel Kobilja glava-Hotonj);
- Uređenje trolejbuskog depoa.

III.

Sredstva zajma iz tačke I. ove Odluke, odobravaju se Federaciji BiH pod sljedećim uslovima:

- iznos zajma.....35.000.000,00 eura,
- rok otplate.....20 godina,
- grace period.....5 godina (uključen u rok otplate),
- kamatna stopa:.....fiksna ili varijabilna i dogovara se prije isplate tranše,
- dospijeća.....polugodišnja rata u jednakim otplatama glavnice.

IV.

Potvrđuje se da je razmatrana dokumentacija prihvatljiva za Federaciju BiH, a posebno:

- Ugovor o finansiranju zaključen između Banke i BiH u Sarajevu 22. maja 2023. godine i u Luksemburgu 15. juna 2023. godine.

V.

Sredstva zajma iz tačke I. ove Odluke Federacija će prenijeti na osnovu zajma na Kanton Sarajevo, koje je krajnji korisnik i dužnik po ovom zaduženju.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI.

Zadužuje se Federalno ministarstvo finansija da s Kantom Sarajevo usaglasi i sklopi odgovarajući Podugovor o zajmu kojim će, u svrhu redovne otplate, definirati uslove vraćanja sredstava koja se prenose na kreditnom osnovu.

VII.

Daje se saglasnost za zaključivanje Supsidijarnog sporazuma o zajmu između BiH i Federacije i Podugovora o zajmu između Federacije BiH i Kantona Sarajevo za zajam iz tačke I. ove Odluke.

Za potpisivanje Supsidijarnog sporazuma i odgovarajućeg Podugovora o zajmu ovlašćuje se federalni ministar finansija.

VIII.

Za realizaciju ove Odluke i izvještavanje zadužuje se Federalno ministarstvo finansija i Kanton Sarajevo i Ministarstvo prometa Kantona Sarajevo, svako u okviru svoje nadležnosti.

IX.

Implementacija Ugovora iz tačke I. ove Odluke ne zahtijeva donošenje novih ili izmjenu postojećih zakona.

X.

Ova Odluka stupa na snagu narednog dana od dana objavljivanja u "Službenim novinama Federacije BiH".

**PF BIH, broj:01,02-11-1439/21
Sarajevo, 12.06.2024.godine**

**PREDSJEDAVALJUĆI
DOMA NARODA
PARLAMENTA FEDERACIJE BIH**

Tomislav Martinović

**PREDSJEDAVALJUĆI
PREDSTAVNIČKOG DOMA
PARLAMENTA FEDERACIJE BIH**

Dragan Mioković